庫全書

子部

欽定四庫全書并引義卷三

檢討臣何思釣覆勘 詳校官監察御史臣 邱庭掛

校對官監丞 臣張曾炳 總校官原任中九臣王燕 緒 曆 録監生 臣王思語

欽定四庫 2) 1.4. 先言逍遥 此三 知也無涯以有涯隨無涯殆已己而為 柱子口義 小 清明時 也養其主此生者道家所謂 有次第以下却不盡然 言無是無非到此乃是做 林希逸 撰

知者殆而已矣 思却無窮盡以有盡之身而隨無盡之思紛紛擾 涯際也人之生也各有涯際言有盡處也知思也 殆字申言之所以儆後世者深矣此之所謂殆即書 思算自以為知為能吾見其終於危殆而已矣再以 粘上巴字與前齊物篇同於其危殆之中又且用心 何時而止殆已者言其可畏也已語助也以下已字 之所謂惟危也已而為知者猶人言明明而知故 س

金灯四周生書

於定日華在馬 全生可以養親可以盡年 為善無近名為惡無近刑緣督以為經可以保身可以 篇所謂上不敢為仁義之操下不敢為淫僻之行也 近刑者謂若以為惡又無近刑之事可指此即駢拇 而作也 督者迫也即所謂迫而後應不得已而後起也游心 無近名者謂若以為善又無近名之事可稱為惡無 此數句正是其養生之學莊子所以自受用者為善 莊子口義

所以教人之意則同也晦庵以督訓中又看近名近 端莊此書却就自然上説便如此快活其言雖異其 理可以孝養其父母可以盡其天年即孟子所謂壽 斯世無善惡可名之迹但順天理自然迫而後應應 天不貳脩身以俟之也孟子自心性上説來便如此 以無心以此為常而已緣順也經常也順迫而後起 之意以為常也如此則可以保身可以全其生生之 两句語脈未盡乃曰若畏名之累已而不敢盡

AN AND IN LIAM 庖丁為文惠君解牛手之所觸肩之所倚足之所履膝 乃中經首之會文惠君曰語善哉技蓋至此乎 所琦砉然響然奏刀騞然莫不中音合於桑林之舞 避之遂以為莊子乃無忌憚之中若以莊子語脈及 乃就其本書證之尤為的當也 駢拇篇參及之意實不然督雖可訓中然不若訓迫 至於犯刑者而竊為之至於刑禍之所在巧其途以 為學之力則稍入於惡矣為惡無近刑是欲擇其不 莊子口義

金牙四月全書 手之所觸觸動也肩之所倚以手用力則肩有斜勢 膝之所踦踦微曲也以身就牛則膝微曲也此四句 床下亦是以蟋蟀字安在中間也奏刀進刀也進用 法也如七月詩八月在野九月在宇十月蟋蟀在我 畫出一箇宰牛底人暑與入音騞亨入音砉然嚮然 其刀曰奏莫不中音者言其砉嚮騞之音皆合律品 騞然皆是其用刀之聲却以奏刀兩字安在中間文 也足之所履亦其用力之時足之所立自有步武也 卷二

牛之時所見無非牛者三年之後未當見全牛也 庖丁釋刀對曰臣之所好者道也進乎技矣始臣之解 梁惠王也語嘆也技蓋至此言如此其妙也 至於技非徒技也三年之後未見全牛者言牛之一 釋刀捨其刀也捨刀而對謂其技自學道得之而後 於桑林中於經首亦形容其中律品之意也文惠君 也桑林經首皆樂名也舞則有樂會舞者之聚也合 身其可解處全不容力可一目而見也

ここりうこれす 日

莊子口義

乎天理批大卻導大竅因其固然技經肯綮之未當而 方今之時臣以神遇而不以目視官知止而神欲行依 多万四月全書 況大斬乎 見聞也耳目之所知者皆止而不言之神自行謂自 然而然也天理者牛身天然之腠理也依者依其自 目鼻口也官知止者言凝然而立之時耳目皆無所 然之腠理而解之大郤骨肉交際之處也批擊也窒 以神遇而不以目視者言心與之會也遇會也官耳

ここりこし」 矣所解數千牛矣而刀刃若新發於硎 良庖歲更刀割也族庖月更刀折也今臣之刀十九年 骨肉之交際骨節之空竅皆固然者我但因而解之 乎斬音狐大骨也 頃肯於者骨肉相著處也肯於處且不用刀況大斬 空也骨節之間自有大空缺處也導者順而解之也 我之為技其用刀也皆未嘗經涉其肯於之間於音 良庖庖之善者也族庖眾人之為庖者也多者也庖 在子口義

於遊刃必有餘地矣是以十九年而刀刃若新發於硎 **金元四庫全書** 彼節者有間而刀刃者無厚以無厚入有間恢恢乎其 折也庖之善者一歳一更刀以其用刀猶於肯綮之 之劣者則其刀一月一更以其斫大骨而有損刀或 硼砥石也 間或有割切故其刀亦易損也今我之刀用之十九 彼節者有間言牛之骨節自有問縫處我之刀又甚 年矣解牛雖多而其刃皆若新磨然言其無所損也

言得養生焉 大足可事在事 一周 動刀甚微謋然已解如土委地提刀而立為之四顧為 雖然每至於族吾見其難為怵然為戒視為止行為遲 躊躇滿志善刀而藏之文惠君曰善哉吾聞庖丁之 然故物皆不能傷其生此所以為養生之法也 易皆有自然之理我但順而行之無所攖拂其心泰 恢恢有餘地者言其無滯礙也此意蓋言世事之難 簿以甚簿之刀隨其間縫而解之可以遊刃於其間 柱子口義

金万里月白雪 境亦有逆境當前之時又當委曲順以處之人行順 會之地也我之解牛雖曰目無全牛矣雖用刀皆在 境甚易到境逆處多是手脚忙亂自至喪失安有不 於大部大竅之間而至於筋骨盤結處亦見其難遂 動其心者乎所以添此一轉族聚也言牛身筋骨聚 此雖然一轉甚有意味蓋言人之處世豈得皆為順 把作箇難事做怵然者變動之意也戒者加做戒也 視為止者言以目視之未免少停止而後遲遲焉行

其刀此但言加子細之意也我既加意子細為之則 乃滿我之意也何以如意不用力而解牛雖解而刀 即自得意也滿志者如意也非曰其志自滿也言此 解音蟹謀忽然之意解散也言其用力甚輕而其骨 其動刀也甚微言輕輕然亦不敢甚著力也許音慝 牛既了則提起其刀而立從容四顧躊躇者從容也 內忽然自已解散如土之委地然言其多而易也解

ACTION LIAIN

無傷所以如意也善刀者言好好收拾其刀而藏之

莊子口義

與曰天也非人也天之生是使獨也人之貌有與也以 是知其天也非人也 多好四月全書 公文軒見右師而驚曰是何人也惡乎介也天與其人 省力處須子細看 過而化其身安於無為之中一似全無事時也為善 此末後遂輕輕結以得養生焉四字便是文勢操縱 無近名以下正説養生之方庖丁一段乃其譬喻到 也此意蓋喻人處逆境自能順以應之不動其心事

を己り日 たたち 生是使獨者言天生他時只要他獨有一足也何以 此邪人刖之邪刖足分明是人却曰天也非人天之 獨也別而存一足也天與人與者言天生之始已如 此意蓋謂人世有餘不足皆是造物雖是人做得底 中獨異如此便是天使之非人使之也有與相並也 知之凡人之形貌者有兩足相並而行此於眾人之 也是造物為之蓋欲人處患難之中亦當順受之也 公文姓軒名也右師者巳刖之人為右師之官也介 莊子口義

也 澤雉十步一啄百步一飲不蘄畜乎樊中神雖王不善 金贝口厚白書 境常多便是履虎尾遊於羿彀中之意澤中之雉十 於籠中則飲啄之物皆足而為雉者不願如此故曰 處意思却於此數句借澤雉而喻乃言人生處世逆 前說患難順受之意便是庖丁每至其族吾見其難 步方得一啄百步方得一飲言其飲啄之難也若養 不斬畜乎樊中斬願也樊籠也何以不願蓋籠中之

哭者是遁天倍情忘其所受古者謂之遁天之刑 然然則吊焉若此可乎曰然始也吾以為其人也而今 老冊死秦失弔之三號而出弟子曰非夫子之友邪曰 如哭其母彼其所以會之必有不蘄言而言不蘄哭而 非也向吾入而弔焉有老者哭之如哭其子少者哭之 其身不入世俗汨没之中更自好也 飲啄雖飽雉之精神雖若暢旺而終不樂故曰神雖 王不善也王音旺不善不樂也此意蓋謂人能自愛

ハスこり ショー・トラ

莊子口義

多反匹库全書 莊子之學本於老子此處先把老子貶剥便是為貶 剥堯舜夫子張本道我於老子亦無所私而況他人 弟子之哭無老無少皆如此其悲哀此必老子未能 去其形迹而有以感會門弟子之心故其言其哭哀 今因弔之乃知其不為非常人也何者老子之死其 始者吾以為其人者言吾始以老子為非常之人也 本朋友也何其形之如此不用情乎夫子指秦失也 乎三號而出言不用情也弟子之問謂老子於秦失

適來夫子時也適去夫子順也安時而處順哀樂不能 也古者謂是帝之懸解 背同 棄其情實如此皆得罪於天者故曰遁天之刑倍與 有情相感則是忘其始者之所受而遁逃其天理背 且慕者有不期然而然也天之所受本無物也猶以 一面既說了秦失 篇蓋欲人知其自然而然者於死生無所動 段就此却發明盡死生之理以

於定四軍全書 · 門

茌子口義

抬窮於為薪火傳也不知其盡也 來亦不足為樂去亦不足為哀不能入者言不能動 然而去但當隨其時而順之既知其來去之適然則 也故曰帝之懸解 則天帝不能以死生係著我矣言雖天亦無奈我何 其心也懸者心有係著也帝者天也知天理之自然 地之間有道之士其來也亦適然而來其去也亦適 心而後可以養生也夫子有道者尊稱之辭也言天 内篇人間世第四 字絶妙處 見其盡此三句奇文也死生之理固非可以言語盡 且論其文前面講理到此却把箇譬喻結末豈非文 有窮盡之時而世間之火自古及今傳而不絕未當

此死生之喻也謂如以新熾火指其新而觀之則新

次定日東在1日 图

前言養生此言人間世蓋謂既有此身而處此世豈

能盡絕人事但要人處得好耳看這般意思莊子何

莊子口義

衛君其年壯其行獨輕用其國而不見其過輕用民死 顏回見仲尼請行曰奚之曰將之衞曰奚為焉曰回聞 死者以國量乎澤若蕉民其無如矣 當迂闊何當不理會事便是外篇所謂物莫足為也 前後見殺者若澤中之焦然謂輕民如草芥也荀子 國而不自知其過失輕民之生而戕賊之量其國中 其年壯其行獨者言少年自用不恤衆議也輕用其 而不可以不為一段意思

といううしょう 耳夫道不欲雜雜則多多則擾擾則憂憂而不救古之 所聞思其則庶幾其國有瘳乎仲尼曰語若殆往而刑 回嘗聞之夫子曰治國去之亂國就之醫門多疾願以 文法也如往也民其無如者言其無所歸也 夢作又玄亦纖纊亦纖不曰玄纊纖而曰玄纖纊此 昔皆為水今有土可耕不曰雲夢土作乂而曰雲土 字曰澤若蕉此是作文奇處雲澤也夢亦澤也雲夢 富國篇有曰以澤量與此意同本是若澤熊却倒 莊子口義

菑之若殆為人菑 前者是以人惡有其美也命之曰菑人菑人者人必反 名聞不爭未達人心而强以仁義繩墨之言術暴人之 器也二者凶器非所以盡行也且德厚信矼未達人氣 乎哉徳荡乎名知出乎爭名也者相軋也知也者爭之 於暴人之所行且若亦知夫徳之所蕩而知之所為出 至人先存諸已而後存諸人所存於已者未定何暇至 金牙四盾全書 邦有道則見邦無道則隱此聖賢之言也莊子却

明苟有所容心謂彼既如何我又如何救之便是容 疾之時方可行其術若是已治之國又何用我願以 刑耳若汝也殆將也汝如此而往將為彼所刑戮而 之思其法則而知改悔庶幾其國可安也若殆往而 所聞思其則言欲以所聞於夫子者而告之衛君使 其說曰治國去之亂國就之謂如人能醫必其門多 心則在我已雜矣我既不純一何能救之雜則多者 已謂不可往也道不欲雜者言此心不雜則純一 生子口易 虚

多定四庫全書 言多端也擾者亂也憂者自苦也言汝且自苦何能 相傾奪也爭之器者言我以私智用彼亦以私知用 苟存於我者未定何暇及他人乎彼之所行雖為暴 救人古之人必先存其在我者而後可以諫告他人 則爭競所由起矣故曰德湯乎名知出乎爭相軋者 名之心則在我自然之徳已湯失矣纔有用知之私 惡我方自苦何暇及他德自然也知私智也幾有求 彼此用智其爭愈不巳器用也曰名曰知皆天下之

大正日日 人 惡人之前人必惡汝謂汝矜誇自有其美也繩墨法 徳即實徳也厚信實有可信之行也我雖有徳有信 能化衞君而救其國乎 此名則菑反及汝汝今此去殆且為人所菑而巳豈 度也衔與述同菑人者凶人也必名汝曰凶人既有 而未達彼人之性氣我雖曰令名今聞而未達晚彼 凶事此事不可以盡行言行之必有禍也矼厚也厚 人之心謂我如何而强以仁義法度之言陳述於暴 莊子口義 古四

前矣 將營之容將形之心且成之是以火救火以水救水名 夫且茍為悦賢而惡不肯惡用而求有以異若唯無詔 之曰益多順始無窮若殆以不信厚言必死於暴人 王公必將乗人而鬭其捷而目將簽之而色將平之口 所求故曰惡用而求有以異彼惟其不知賢不肖所 彼若知賢而悦之知不肖而惡之則何用我更別有 以如此所為彼既不知賢則安知汝為賢者而信汝

金好口屋台雪

たこりをとう 容貌之間必見恐懼跽擎之形也心且成之者言用 解也口將營之者言自將營救解說也容將形者言 言汝方為顏色以求平於彼謂屈服其顏色以求自 之言乎詔名也若汝也衞君不曾召汝故曰若惟無 心以成順之也梁武帝辨折賀琛處正合此卦影蓋 所困則目必将眩然榮眩也而汝也而色將平之者 詔汝既不召而自往則彼以王公之貴必將乗汝言 語之間而爭欲求勝鬪爭也捷勝也汝到此時為其 莊子口義

好名者也昔者堯攻叢枝胥敖禹攻有扈國為虛厲身 拊人之民以下拂其上者也故其君因其脩以擠之是 且昔者無殺關龍逢紂殺王子比干是脩其身以下個 增多其惡也順此而往則其為惡愈無窮極所為暴 其氣愈旺則是水救水火救火也益增也益多者言 言其爭不勝而自屈服也他本凶暴又得勝汝 不信之身而深言於暴人之前必為其所殺也 庆益甚矣厚言者猶深言也汝未有以信於人乃以 勝

金牙四月分書

獨不聞之乎名實者聖人之所不能勝也而況若乎 為刑戮其用兵不止其求實無已是皆求名實者也而 歸之思也叢枝胥敖有扈之所以取禍至此者皆用 **胥敖有扈皆是寓言國為邱墟死為厲鬼厲無後無** 而汝乃愛桀紂之民是下拂其上也所以見殺脩善 民汝乃下而個拊之個拊愛養之意也桀紂不愛民 龍逢几千皆脩其身以愛民為諫不知民自別人之 也因其好善反以擠怒之謂此皆好名之過也叢枝 住子口美

一致定四庫全書 詎可手 徳不成而況大徳乎將執而不化外合而内不訾其庸 所不達因案人之所感以求容與其心名之曰日漸之 則可乎曰惡惡可夫以陽為充孔揚采色不定常人之 雖然若必有以也當以語我來顏回曰端而虚勉而 求名自利之人雖堯禹且不能堪至於滅其國而況 兵不止以求名實也實利也不能勝言不能堪也言 汝乎勝音升堯禹無此事皆寓言也

陽氣方充滿其貌甚揚揚自得孔甚也采色不定者 言其驕矜之色不常也尋常之人每每不敢違而順 彼将求欲案服汝心以快其意故曰求容與其心容 惡惡可者言甚不可也陽為充孔揚者言得志之人 語我嘗試也來助語也端而虚者端正其身虛豁其 之畏之也彼見人人皆畏已而汝欲以言語感動之 心也勉而一者追勉而謹終如始也能如此則可否 又設一轉言汝之欲往也必有所以以用也且試以 住子口良

為徒者知天子之與巴皆天之所子而獨以已言蘄乎 然則我內直而外曲成而上比內直者與天為徒與天 **多定四庫全書** 而人善之斬乎而人不善之邪若然者人 勉而一 自以為可乎 與自快之意日漸小德也言汝此等人名之曰小德 且不能成況能成大德乎執而不化者固執而不能 回也若如此則外將以端虚而求合於人內則守其 者謂我在內無所訾病伎俩止於如此詎能 八謂之童子是

是之謂與古為徒若是則可乎 疵焉是之謂與人為徒成而上比者與古為徒其言雖 之禮也人皆為之吾敢不為邪為人之所為者人亦無 教讁之實也古之有也非吾有也若然者雖直不為病 貴下而與我皆天之所生則是皆出於自然者豈敢 此理自守其真實也此直字與真字相似自天子之 然則而下又設為顏子之答分作三截內直者內以

之謂與天為徒外曲者與人之為徒也擎跽曲拳人臣

欽定四庫全書 亦為之人於我亦無疵病此因拜下禮也雖違眾吾 為徒外曲者外盡擎跽曲拳之禮人人皆為之則我 教誨之言乃是當面陳說是非而皆有譴謫之實蓋 成說而上合於古人言引古人以為證也雖借古人 從下處生此等議論以譏請聖門如此則與人合故 曰與人為徒成者自己之成説也比合也以自己之 私之心則其渾渾若童子然則與天合矣故曰與天 以已言自私欲人善其是者不善其非者若無此自 **茄子口菜**

是耳矣夫胡可以及化猶師心者也 仲尼曰惡惡可太多政法而不諜雖固亦無罪雖然止 謂我之所言非出於我古人已有之言也若如此則 雖計直以暴其所行而人亦不以為罪故曰雖直而 政事也法方法也謂汝所言事目方法太多而終是 言如此可以說衛君否也 不安謀謀音疊安也雖能如此三者固亦無罪然亦 不病與古為徒者言其說與古人合也若是則可者

欽定四庫全書 顏回曰吾無以進矣敢問其方仲足曰齊吾將語若有 祀之癬非心癬也回曰敢問心癬仲尼曰若一志無聽 不飲酒不茹葷者數月矣若此則可以為齋乎曰是祭 而為之其易邪易之者皥天不宜顏回曰回之家貧唯 以耳而聽之以心無聽之以心而聽之以氣聽止於 容心便非無迹便非自然之道 病在何處蓋汝三者之説皆是師其有為之心便是 止於自免而已安可以化人故曰胡可以及化此其

莊子口

十九

齊也 耳心止於符氣也者虚而待物者也唯道集虚虚者心 た日日日 Line 最是人生受用切實處祭祀之齊在外心齊在内 皥天之意不相樂矣故曰易之者皥天不宜此兩句 道汝有此伎俩要為之甚易邪纔萌此輕易之心則 志者一其心而不雜也聽之以耳則聽猶在外聽之 以心則聽猶在我聽之以氣則無物矣聽以耳則止 無以進者言更無向上著也有而為之其易邪言汝 莊子口義 〒

颜回曰回之未始得使實自回也得使之也未始有回 金牙口屋台重 也可謂虚乎夫子曰盡矣 是心蘇 於耳而不入於心聽以心則外物必有與我相符合 得使言得教誨也此為顏子頓悟之言謂未得教誨 為道矣虚者道之所在故曰唯道集虚即此虚字便 者便是物我對立也氣者順自然而待物以虛虛即 時猶自有我及既得教誨之後未始有我矣忘我

吾語若若能入遊其樊而無感其名入則鳴不入則止 無門無毒一宅而寓於不得已則幾矣 處世無心則無迹無迹則心無所動故曰遊其樊而 虚名所感動有迹則可名纔至有迹則是動其心矣 若汝也人世如在樊籠之中汝能入其中而遊不為 無感其名自此以下正是教人處世之法入則鳴是 則虚也盡矣者謂汝之所言盡其理矣 可與之言而與之言也不入則止是不可與之言而

これりました!

莊子口義

絕迹易無行地難 多好匹庫全書 毒藥味也此皆無心無迹之喻宅居也以混然之一 能不行哉必行於地而無行地之迹則為難此意蓋 · 近足迹也止而不行則絕無足迹此為易事然人豈 盡矣幾盡也 為吾所居而寓此心於不得已之中則人間世之道 無方所則無門矣有臭味則有毒無臭味則無毒矣 不與之言也意與論語同但文奇耳有方所則有門

聞以有翼飛者矣未聞以無翼飛者也聞以有知知者 たんり見んなる 為人使易以偽為天使難以偽 難無所容其偽也 心而聽造物之所使則無所容偽矣人使即人欲也 為人使易以偽言為人欲所役則易至於欺偽唯冥 安得不為唯無為而無所不為則為難也 謂人若事事不為此却易事然謂之人生何者非事 天使即天理之日用者也難易二字有意易易流也 肚子口義 ニュニ

瞻彼関者虚室生白吉祥止止夫且不止是之謂坐 矣未聞以無知知者也 多分口居分書 聞以有翼飛者矣言鳥之飛必以翼也無翼而飛便 瞻視也此以虚室喻心也謂視彼密室之中纔有空 是不疾而速不行而至此所謂神也此句乃喻下句 蓋以有知為知人之常也惟知其所不知則為無知 缺處必有光入來是光自空中出也以彼之闋喻我 知此則造道之妙矣 馳

萬物之化也禹舜之所紐也伏義几蘧之所行終而況 MANDINE LILE 夫徇耳目內通而外於心知鬼神將來舍而況人乎是 我纔容心而不能自止則身雖坐於此而心馳於外 物之所由萃吉祥福也止於其所止下止字是虚處 又安能坐忘乎此以坐馳二字反說坐忘也 也唯止則虛唯虛則明便是戒生定定生慧之意若 而曰生白此莊子之奇文也即此虚明之地便是萬 之虚則見虛中自然生明生白即生明也不曰生明 莊子口義 主

|金页四月全書 散焉者乎 況人乎謂到此方能感化人也鬼神來舍即是至誠 見而無心於聞見也如此則此心之虚與鬼神通何 蓋言心不動而外物不能入也雖聞其所聞見其所 如神此心之中自有鬼神與造物通故曰來舍上既 之聞見雖通於内而實外於心知何以謂外於心知 耳目之聞見皆內通於心我若無所容心則順耳 却結以一句曰此是萬物之化也言此乃造化 目

·業公子高將使於齊問於仲尼曰王使諸梁也甚重齊 大三日日から 道以惟成事若不成則必有人道之患事若成則必有 之待使者蓋將甚敬而不急匹夫猶未可動也而況諸 **侯乎吾甚慄之子當語諸梁也曰凡事若小若大寡不** 常之人也自絕迹而下又別發明不可粘上段說 或謂古帝王之名然無所考必竟寓言也散者言尋 此伏義几遠以此行而終其身何況其下者乎几遠 之理萬物之所由出也舜禹之所見其大樞紐止如 莊子口義 千四

之子其有以語我來 事若不成必有人道之患是兩也為人臣者不足以任 冰我其内熱與吾未至乎事之情而既有陰陽之患矣 食也執廳而不臧爨無欲清之人今吾朝受命而夕飲 陰陽之患若成若不成而後無患者唯有德者能之吾 齊之行甚重難也甚敬而不急者言待使雖有禮而 所扣之事其應常緩匹夫之相與扣應之不酬且無 諸梁葉公之名也子高其字也使諸梁者甚重言使

とこうことに 関 皆無患者惟有徳之人方可自此以上皆曰孔子之 事成也寡鮮也不道不言也為國謀事若不成則必 不知為廳城者不知為臧臧美也言廳食亦猶美食 語也今我自受使命以來飲食之間不知其味麤者 以憂思致疾故曰有陰陽之患若欲成與不成其後 有刑責故曰人道之患若勞心計較雖得成事而多 子當有教我之言曰事無小大鮮不言以權洽方得 如之何況諸侯乎所以慄而懼也子指夫子也言夫 莊子口義 二五

仲尼曰天下有大戒二其一命也其一義也子之愛親 命也不可解於心臣之事君義也無適而非君也無所 我朝方受命而骨中焦勞夕已飲冰矣情者實也我 當也子其有以語我謂何以教我也來助語也 者欲清而不能今既憂思飲食寡少則竈常清矣且 刑責是兩受患也為人之臣至於如此實不可當任 方受命未曾實理會事已成此病萬一不成則又有 也常時多有飲食之事則厨爨之間竈常不冷故厨 **飲定四車全書** 情而忘其身何暇至於悦生而惡死夫子其行可矣 之若命德之至也為人臣子者固有所不得已行事之 也自事其心者哀樂不易施乎前知其不可奈何而安 逃於天地之間是之謂大戒是以夫事其親者不擇地 而安之孝之至也夫事其君者不擇事而安之忠之威 宣得謂莊子為迂闊大言者大戒者大法也命得於 天者子之事親與生俱生此心豈得一日去故曰不 此一段却是十分正當說話其論人間世至有此語 在子口美

是自家合做底事此便是天命又可奈何止得安而 前而不能變易蓋事有難易或有禍福既出君命則 問事親而盡其孝則東西南北惟父母之命豈擇地 為之事名曰君臣則率土之濱莫非王臣故曰何適 順之若命順命也能如此則為至徳之士為人臣子 非君莫非臣子何處而可逃故曰無所逃於天地之 可解義人世之當為者也臣之事君世間第一件當 之安而後為之此心纔主於忠則哀樂之境雖施於

大とりを 人 |妄妄則其信之也莫莫則傳言者殃故法言曰傳其常 言言必或傳之夫傳兩喜兩怒之言天下之難者也夫 丘請復以所聞凡交近則必相靡以信遠則必忠之以 兩喜必多溢美之言兩怒必多溢惡之言凡溢之類也 其行可矣者言汝只得去也夫子指葉公也 復顧其身雖其禍至於死生之異亦無可奈何夫子 其事之實而已情實也言但得樸實頭做前去豈得 亦看所遇如何不幸而遇其難亦所不得已但得行 柱子口義 主

情無傳其溢言則幾乎全 金牙巴尼石量 過當故曰溢美溢過當也若彼此皆怒則其說不好 者最難彼以喜而來此以喜而應則其說好處多有 若其交者遠則必以言語盡其情忠盡情也然其言 處又多過當故曰溢惡纔是一等週當說話必是不 如符節之類是也相靡相順也近處之交接則如此 何自而達必有人傳道之然傳言之間其兩喜兩怒 此下又轉一轉說盡人世情狀信有物以為信驗也

E 7.19 50 Link 且以巧鬭力者始乎陽常卒乎隂泰至則多奇巧以禮 其奉使故以此為戒法言者古有此書也故舉以為 皆歸於傳言之人必加之罪故曰莫則傳言者殃因 證傳其常情謂傳言之人但傳其平常樸實頭說話 而疑未能盡信莫致疑貌也纔至致疑則兩邊之惡 實故曰凡溢之類妄既不實則其聽之者必皆莫然 如此則庶幾可以自全 其言語過當處則不可傳故曰無傳其溢言傳言能 莊子口義 チハ

多好四周全書 核太至則必有不肯之心應之而不知其然也苟為不 由巧言偏辭獸死不擇音氣息弟然於是並生心厲剋 也行者實喪也夫風波易以動實喪易以危故忿設無 乎諒常卒乎鄙其作始也簡其將畢也必巨言者風波 知其然也孰知其所終 情此皆莊子妙處以巧鬪力今之戲相搏者陽喜也 酒者始乎治常卒乎亂泰至則多奇樂凡事亦然始 既說了傳言却又引喻世間此類之事句句皆是世

ころこうこうことう 作為止為苟簡之謀弄到未後或成一件大事此以 異常故或成爭競也凡事亦然者言人世他事亦常 載號載吸之時也盖飲酒至於過當則其為樂也多 過當也相招而飲皆以禮也始初筵秋秋之時也亂 爭打蓋其戲太甚則多有過當用巧處奇異也泰至 陰惡也其始等間格手只是戲劇其終常至於實實 相信及至其後鄙詐生焉此又一事也始者之有所 如此也諒信也始者之相與同為一事未嘗不誠實 柱子口義

多好四月全書 獸死之時其聲音又何所擇此譬喻忿設巧言之人 言語只是説得一 設初無端由故曰忿設無由偏辭一偏之見也花巧 者言其易至於紛紛而不已也實喪易以危者言實 說箇行字便有名有述有名則喪實矣風波易以動 言語則風波之所由起風行波上虛而紛亂之意纔 不副名或成患害也無由無端也忿怒之言多是造 一只泛說世間又拈起箇言行來蓋人世之相與涉 | 偏故曰巧言偏辭獸死不擇音言

故法言曰無遷令無勸成過度益也遷令勸成殆事美 ここり 罵無好語是也氣息弟然者怒也厲狼戾也怒氣既 剋核大至必生不肖之心或時至於相战相賊亦皆 起則狼戾之心並生我既如此則其應我者以我之 総至於爭競則言語之出皆不暇簡擇今諺所謂 引説至此爾 為怒所使而不知其然矣既為怒所使而不自知又 何暇計其終自此以上皆言世情或因好成惡故牽 柱子口義

得已以養中至矣何作為報也莫若為致命此其難者 成在久惡成不及改可不慎與且夫乗物以遊心託不 成或至遷改其説則不可事之成不成亦聽其自然 到此又引古書之言就奉使事上結令君命也無遷 不可强欲其成故曰無勸成益求多也纔於平常心 者過其常度即過當也遷令勸成皆是過度之念則 移其今即所謂傳其常情也若受其命令而私欲圖 |起箇過當之念便是有求益之心此便不可過度

一銀定匹庫全書

求益也致命者言以真實而致君命於衛也言汝之 惡成不及改此意蓋謂要相惡甚易要相好甚難所 其謀事也必危故曰殆事人之相與要好極難初非 托不得巳而應之意以養其中心則此為極至矣又 何必有所作為而後歸報邪報反命也作為過度以 以尤當慎也我若乗事物之自然而遊其心於自然 不相投一事之不相順有不轉步而便成惡者故曰 日可成必須悠久而後定故曰美成在久一言之 莊子口義 二十二

| 欽定四庫全書 **慮論其成與不成也即此真實致命便是難能之事** 讀其書未子細爾 惟微一截無人心惟危一截此等議論果為如何 性地通融何以盡此曲折説者以莊老只見得道心 難矣所謂遊於穀中中央者中地也此篇名以人間 汝須要能盡此方可就此又著一 行也莫若只以真實致其君之命而已不可過為思 世者正言處世之難也看這一段曲盡世情非莊子 難字蓋謂處此亦

- CALL DIA 101 亦與之為無町畦彼且為無崖亦與之為無崖達之入 為妖為孽彼且為嬰兒亦與之為嬰兒彼且為無町畦 就而入且為顛為滅為崩為蹶心和而出且為聲為名 就心莫若和雖然之二者有患就不欲入和不欲出形 之何蘧伯玉曰善哉問乎戒之慎之正汝身哉形莫若 其知適足以知人之過而不知其所以過若然者吾奈 徳天殺與之為無方則危吾國與之為有方則危吾身 莊子口義 丰二

顏闔將傅衞靈公太子而問於蘧伯玉曰有人於此其

於無疵 多定匹庫全書 吾國若欲救正之則其禍必先及我太子之智能知 霜殺草之殺言其德性為造物所銷鑠也無方無法 太子也其德天殺猶言天奪其鑒也殺猶銷鑠也隕 度也言彼為敗度敗徳之事縱而不問則將來必危 顔闔將為太子之傅而求教於伯玉有人於此者指 何也正汝身者言且就自家身上理會起就從也隨 之過而自為過惡則不知改奈之何者吾無如之

也有誘導之心而主角稍露則是和而出也就而至 莫若者言求其方法無出於此也雖然一轉又妙之 為名為妖為孽此處文最奇嬰兒者如無知小兒然 和而至於聲名出則彼必思害必成殃禍故曰為聲 内則盡我調和誘導之心故曰形莫若就心莫若和 順之也和調和也誘導之也外為恭敬隨順之形而 於入則和自家都放倒了故曰為顛為滅為崩為蹶 二者和與就二者也隨順而與之為一則是就而 在子口義 圭

銀定四庫全書 覺悟之也無疵者無過也昔父軒於此當言箭中舊 畦無崖皆是形容無知妄為之人彼方如此無知如 者無涯際也言為事不思到盡處如何也嬰兒無町 也無町畦者無畔岸也言其跌蕩而無繩準也無崖 有人父死不葬蕩其田業以恣所欲田且盡親戚憫 加點化使之躍然醒悟或可以入無疵之地達之者 此妄為我且順之故曰亦與之到其有可覺悟處就 之斂錢以給其葬彼陽相許又以其錢行前所為衆

汝不知夫養虎者乎不敢以生物與之為其殺之之怒 是其才之美者也戒之慎之積伐而美者以犯之幾矣 也不敢以全物與之為其決之之怒也時其饑飽達其 汝不知夫螳蜋乎怒其臂以當車轍不知其不勝任也 處道理 飲至于極歡撫其背曰人不堪其憂回也不改其樂 親皆忿之有族人焉出而與之遊任其所為 /翻然而悟慟哭而歸遂葬其父卒為善人正此 一夕酣

飲定四車全書 ~

莊子口義

弄四

怒心虎之與人異類而媚養已者順也故其殺者逆也 夫愛馬者以筐盛矢以蜧盛溺適有齑重僕緣而拊之 不時則缺銜毀首碎智意有所至而愛有所亡可不慎 誇也幾危也屢誇其才美以犯世之思者必危其身 故曰積伐而美者以犯之幾矣虎之性易怒故養之 車轍此喻小才自矜以當大事鮮不敗者積屢也伐 此下又說幾箇譬喻蝗娘恃其才之美欲以其臂當

次足习更 Land 在久惡成不及改之意人之相處有終身從遊而 忘之矣僕緣者僕僕然緣聚也亡與忘同此蓋美成 月題之類此其中心之怒忽然而至則前日之愛皆 而去之則其馬必至決去街勒毀碎其身首上響絡 屎溺可謂愛之忽有奎重聚於其身不能隨時搏扮 意此無他只是順之而已若逆之則必為所傷矣故 曰其殺者逆也筐竹器也販灰泥之器也以此威其 者必調和去其怒心以虎而於養已者亦有媚愛之 在子口義 茅五

行不輟何邪曰已矣勿言之矣散木也以為舟則沈 執斧斤以隨夫子未當見材如此其美也先生不肯視 市 高臨山十仞而後有枝其可以為舟者旁十數觀者如 匠石之齊至乎曲轅見櫟社樹其大嵌牛絜之百圍其 棺槨則速腐以為器則速毀以為門戸則液樠以為 匠伯不顧遂行不較弟子厭觀之走及匠石曰自吾 闔二段便見此篇名作人間世分曉 語至於為仇者此言處世之難也看葉公子高與顏 ンノ

金牙口匠

於定四華全十三 m~ 散人又惡知散木 擊於世俗者也物莫不若是且予求無所可用久矣幾 歸櫟社見夢曰汝將惡乎比予哉若將比予於文木邪 死乃今得之為予大用使予也而有用且得有此大也 此其以能苦其生者也故不終其天年而中道夭自掊 夫柤梨橘柚果蔴之屬實熟則剥則辱大枝折小枝 則蠹是不材之木也無所可用故能若是之壽匠石 且也若與子也皆物也奈何哉其相物也而幾死之 脏子口莪 季大

曲轅山名也櫟木名也社之中有此櫟木也論語 夢曰汝以我為散木則是以文木而比量我也担梨 挈之以手量之也兩手合而圍之為一圍百圍大也 夏后氏以松周人以栗古者社中皆必以大木為主 其液出而橫橫然也樹柱也立木以為柱故曰樹文 於厭足而後已也散木者言無用散棄之木也液構 十仞高也枝可為舟則其身可知矣厭觀者言觀至 木者言木之可觀而可為用者也櫟社見於匠石之

炎之四年 在上司 故曰若與予也皆物也奈何哉其相物也一句之中 石雖人我雖櫟樹皆天地間一物汝何獨以物相譏 乎且也只是且字之意添箇也字若與予皆物者匠 全其生也我若有用則人伐之久矣又安能至此大 而害其生能者可用之才也吾之求無所用久矣而 死漢也為予大用者言我之無用乃我之大用所以 汝乃今知之幾死罵匠石之言也猶今人罵人以半 橘柚果旅皆文本之可食者故為人摧折是以其能 莊子口義 干七

遠乎 且幾有翦乎且也彼其所保與眾異而以義譽之不亦 若無言彼亦直寄焉以為不知巳者詬厲也不為社者 匠石覺而診其夢弟子曰趣取無用則為社何邪曰密 分りで方 ノニアル 診占也弟子聞其夢中之言乃曰此木之志趣若取 四箇也字一箇哉字此皆莊子文奇處汝亦無用之 於無用則何必用而為社密者猶言汝閉口勿言也 何譏我無用之木故曰幾死之散人又惡知散木

花其所賴子綦曰此何木也哉此必有異材夫仰而視 南伯子綦遊乎商之丘見大木焉有異結駟千乗隱將 次正日日 江西 其細枝則拳曲而不可以為棟梁俯而視其大根則軸 彼指櫟也其所以為社者亦直寄寓而已豈料今日 猶言所守也且幾有翦乎此幾字與殆字同意 眾人不同而汝乃以義理求其毀譽相去遠矣所保 也使其縱不為社亦豈有人翦伐之彼之所保自與 又為汝不知已之人以為社而詬厲之詬罵厲責辱 莊子口義

故未終其天年而中道夭於斧斤此材之患也故解之 其拱把而上者求狙猴之杙者斬之三圍四圍求高名 解而不可以為棺槨咕其葉則口爛而為傷嗅之則使 金万口居石量 之麗者斬之七圍八圍貴人富商之家求禪傍者斬之 此其大也嗟乎神人以此不材宋有荆氏者宜楸柏桑 以牛之白額者與豚之亢鼻者與人有痔病者不可以 《狂酲三日而不巳子綦曰此果不材之木也以至於 河此皆巫祝以知之矣所以為不祥也此乃神人

所以為大祥也 次足口事 上 花其所賴花自我花物也賴彼求蔭於我也軸解不 實也如今芋並然時食紙反以舌舌之則爛人之口 隱於此樹之下而求其所蔭賴亦能比之故曰隱將 焉有異者言其大有異於尋常也雖有千乗之駒馬 此段與前段同但就中又紬繹數句別說話見大木 以能全其生至於如此其大古之神人所以全其生 以鼻嗅之則著人如醉言其臭也此木惟其不才所 莊子口義 三九

金万口方人門 者亦以此不才而已故曰神人以此不才嗟乎嘆美 音同而字異耳禪傍為棺用也言此地所宜之木或 拱把而見伐或三圍四圍而見伐或八圍七圍而見 高名大家也高明之家思瞅其室二字本同但明字 荆氏地名也揪柏桑三者可用之木也前言可食之 而言之也 伐言不可得而留惟其有可用所以自禍如此解古 本此言可用之本宜地氣所宜也找椿也麗屋棟也

次足四年上十二 譬之 皆言處世之難若求以自見於世必招禍患故以此 祝之人皆以為不祥而不知惟其不祥所以免殺身 高者皆不可以祭河古者或以人祭河如西門豹之 事故添痔病一句莊子好奇專要添此等說話適者 往也言不可以之往祭於河也此三者之不可用巫 之禍其在神人觀之則此不祥乃大祥也凡此二段 巫祝者書名也解之中有曰牛白顏者豚額折而鼻 莊子口義 四十

形者猶足以養其身終其天年又況支離其徳者乎 徵武士則支離攘臂於其間上有大役則支離以有常 **髀為脅挫鍼治解足以餬口鼓筴播精足以食十人** 疾不受功上與病者栗則受三鍾與十束薪夫支離其 曲也肩反出於頂上會撮椎髻也五臟之管皆屬於 **背背曲則管向上也兩髀腿兩邊也背曲身下則** 支離身體無收拾之貌疏其名也頤下而至臍其身 離疏者頤隱於齊肩高於頂會撮指天五管在上两 久已日日 八十二 與新此亦以不才自全之意支離其德言至人之德 武士選戰者也攘臂於其間言選擇不及已也大役 麤而得精米故曰播精足以食十人言其速也徵名 亦如此支離者以無用為大用也此與不才之木亦 工役也不受功不以此事責之也功如左氏晉人城 院衣也以此為餬口之計鼓災以箕簸米也播去其 **把賦功於諸侯戰役之事既皆得免而又以病得栗** 為其脅也此形容一廢疾之人爾挫鍼縫衣也治解 柱子口義

之人皆知有用之用而莫知無用之用也 知載禍重乎地莫之知避已乎已乎臨人以徳殆乎殆 也來世不可待往世不可追也天下有道聖人成焉天 孔子適楚楚狂接與遊其門曰鳳兮鳳兮何如德之衰 金分四月五十 山木自冠也膏火自煎也桂可食故伐之漆可用故 同意 畫地而趨迷陽迷陽無傷吾行吾行卻曲無傷吾足 無道聖人生焉方今之時僅免刑焉福輕乎羽莫之 卷二

道則聖人全其生而已方今之時亂世也但以苟免 焉處亂世而僅免刑以全其生此持一羽之福而汝 於刑為幸耳又何敢他求乎故曰方今之時僅免刑 也故曰德衰天下有道則聖人可以成其功天下無 為則當自晦而已於此而强懷救世之意非知時者 已往之世又不可追既生斯世而為斯人時既不可 此段因論語所有借以譏侮聖門也來世既不可待 亦不知有之載受而有之也亂世之禍苟及其身常 主チョも

欽定四庫全書 畫地而趨言其自拘束以自苦如畫地而行焉陽明 而有傷卻曲者言回護避就也不能任真直道而行 也人之本性本來光明汝述而失之則必至行於世 也以德自尊而下臨他人取禍之道也殆乎危乎也 不滿眼殃禍大如屋即此意也已乎已乎猶言休休 至殺戮是重於地也而汝亦不知避之韓詩曰榮華 如此回護避就則必至於傷吾足傷吾足者言其不 可行也山木以有用而招斧斤之禍是自取冠傷也

魯有兀者王點從之遊者與仲尼相若常季問於仲尼 内篇徳充符第五 隨所應而應也 符應也有諸已則可以應諸外充足也德足於已則 用 漆因可用而後人割之此皆不能自隱求名於世以 膏火以明而可用自取煎熬桂因可食而後人伐之 招禍患者之譬也故曰人知有用之用不知無用之 至产工具 1.14

一致定四庫全書 之常季曰彼兀者也而王先生其與庸亦遠矣若然者 議虚而往實而歸固有不言之教無形而心成者那是 其用心獨若之何 為師而況不若丘者乎奚假魯國丘將引天下而與從 何人也仲尼曰夫子聖人也丘直後而未往耳丘將以 曰王駘兀者也從之游者與夫子中分魯立不教坐不 常季孔子弟子也中分魯者言魯人之從夫子者坐 而從點者半也立不教與弟子立而無所教坐不議

たこりらいたう 感之而自化成也常季見其如此故疑以為問仲尼 遠矣先生指孔子也庸常人也 是一句王勝也言其如此猶勝於先生則與常人亦 遲耳如某者且將師之況他人乎奚假豈特也引天 與弟子坐而無所言而往從之者皆空虚未有所見 下言欲率天下之人皆師之也彼兀者也而王先生 曰夫子拍王貽也直後而未往言我欲往見之特尚 見而歸即充然而有得矣無形無所見也心成心 柱子口義 四十四

仲尼曰死生亦大矣而不得與之變 多戶四月生書 藏經只從此五字中出所謂死生事大如救頭然是 異端者謂其於他事皆不講明而終身只學此一件 變也此語謂出於孔子乃莊子之寓言儒家闢以為 也不得與之變者言死生之變雖大而此心不動亦 死生亦大矣此五字乃莊子中一大條貫釋氏一大 其説甚正然釋氏之學正以下愚之人貪著昏沈而 不能使我與之變也不得不能也與之變者隨之而

とこりらいたう 物之化而守其宗也 雖天地覆墜亦將不與之遺審乎無假而不與物遷 脅持之使入於道或謂釋氏畏死而為此學失其心 救世之心亦切為吾儒者不容不闢其説而亦不 矣 不可化故以此恐懼之而使之為善耳其教雖非其 《知其心也彼以人無貴賤所畏者死耳故欲以此 地覆墜猶大傅言乾坤毀也遺者落也言天地雖 莊子口義 四十五

筆法如此非真曰天地能覆墜也審者明也見之盡 墜而我亦不與之墜落亦猶前所謂入水不濡入火 猶禪家所謂心迷法華轉心悟轉法華也宗者言萬 若言明乎實則拙矣不與物遷與不得與之變不與 之遺同命物之化者言萬物之變化皆受命於我此 也無假者實也如此等句皆莊子下字造語之妙處 不執讀莊子之書與語孟異其語常有過當處是其 物之始也守其宗者言斯人之所守在於萬物之始

金丘四月全書

文記の車 Athin 常季曰何謂也仲尼曰自其異者視之肝膽楚越也自 其同者視之萬物皆一也 用也 越知其同出於一初則萬物皆與我為一也此兩句 常人不知萬物之同出於一 亦猶前所謂有始也者有未始有始也者之意莊子 此讀得方見其妙處守其宗者全體也游其和者大 之書如宗字只訓始字求其意則不止曰始而已如 柱子口義 初雖其肝膽亦自分楚 四十六

夫若然者且不知耳目之所宜而遊心乎德之和 金万口后白重 越諸子 蓋莊子之書非特言理微妙而其文獨精絕所以度 看他下語開闔處前後能文之士用此機關者不少 耳於聽宜也目於視宜也彼能如此則不獨以耳聽 曰觀世音此雖異端之言而皆有深意德之和者與 不獨以目視此禪家所謂六用一原也音豈可觀而 地四時同也此和字非若中庸所謂中節之 7

常季曰彼為已以其知得其心以其心得其常心物何 ここりましたり 為最之哉 物視其所一而不見其所喪視喪其足猶遺土也 讀變眩 物視其所一而不見所喪言其觀於萬物無欠剩即 遗土猶言如土之自遺墜而不知也 為已脩身也以其知言人有此識知則能脩此身得 讀此書當別具一隻眼 段便是此意此又翻公文軒介與之說也 莊子口義 四十七

金原四库全書 仲尼曰人莫鑑於流水而鑑於止水唯止能止衆止 流水止水皆以喻心流者不能止者也能止其心所 也不曰尊而曰最此莊子之文所以奇也物人物 已可以得心亦是常事耳故曰得其常心最者尊之 其意蓋謂人皆有知人皆有心苟能盡之則可以為 心本然之心與知覺之心非二物也特如此下語 其心以其心者言有此知覺之心則能得其本然之 獨賢於人眾人以欲止之心就其求止焉惟斯 卷二 耳

也正幸能正生以正眾生 受命於地惟松柏獨也在冬夏青青受命於天惟舜獨 求心了不可得其師曰與汝安心竟便是此一段 下六字豈不奇哉禪家所謂將心來與汝安學者曰 心之人而求教於彼彼乃能教之而使之安却如此 則能之故曰惟止能止衆止此一句蓋言未能安其 眾人故能正其所生以正衆人之所生此生字只是 以松柏比舜以舜比王駘但言其得於天者獨異於

炎定四車全等 可

莊子口義

而能自要者而猶若是 夫保始之徵不懼之實勇士一人雄入於九軍將求名 則不能不懼矣九軍者言衆兵也或戰國之時有為 驗只一信字却如此下句不懼下著一實字無此實 **徽證也驗也保守也守其始初之一語而必有證有** 性字或曰舜豈可比王駘若如此讀莊子是癡人前 説夢也 九陣者亦未可知不必拘天子六軍諸倭三軍之説

とこりうしい 心未當死者乎 而況官天地府萬物直寓六骸象耳目一知之所知而 官天地天覆地載天生地成各職其職而已府者聚 也萬物隨其所聚而聚此即天地與我並生萬物與 守此一信且能不變於死生而況有道者乎此 自要自信也荆軻聶政之徒求名而自信者也彼惟 今觀佛書中有坐蟒岩守虎穴者亦只此不懼之實 而已莊子如此等處皆有所見非特寓言也 在子口裁

彼且擇日而登假人則從是也彼且何肯以物為事 象耳目與不知耳目之所宜同意目象目而不止於 意但語脈有不同耳寓六骸者言六骸者吾所寄也 我為一之意孟子曰萬物皆備於我亦是府萬物之 死 於天者而無所不知故曰一知之所知心無所見曰 音智下如字智者得之於性知者智之用也以其得 視耳象耳而不止於聽故曰象耳目一知之所知上

多分四厚全書

九十日日日 人 合堂同席而坐子産謂申徒嘉曰我先出則子止子先 申徒嘉兀者也而與鄭子産同師於伯昏無人子産謂 事乎蓋人自求學於彼彼何當求以教人 不須與離之意人之所以從學於王點者從是而已 道乎言不擇日而升至於道無時而不在道也即道 登升也假至也注音賈音遐皆誤彼豈擇日而至於 徒嘉曰我先出則子止子先出則我止其明日又與 此是字重以物為事物者人也言彼豈肯以為人為 莊子口義

若是矣猶與堯爭善計子之徳不足以自反邪 取大者先生也而猶出言若是不亦過乎子産曰子既 塵垢不止止則不明也久與賢人處則無過今子之所 出則我止今我將出子可以止乎其未邪且子見執政 如此哉子而悦子之執政而後人者也聞之曰鑑明則 而不違子齊執政乎申徒嘉曰先生之門固有執政焉 我出子止子出我止欲其相避也申徒嘉又不如其 約不違者不避也齊者同也執政自謂也言子與我

久已日日 Albin 羿之彀中中央者中地也然而不中者命也人以其全 申徒嘉曰自狀其過以不當亡者衆不狀其過以不當 存者寡知不可奈何而安之若命唯有徳者能之遊於 得如堯乎自反言其不自量也 兩字佳與堯爭善四字最奇言子既兀矣縱能為善 則是貴我而賤物有學問則見識廣大取者求也言 同出入則與執政同矣後人者先已也先已而後人 子學於先生将求以廣其見識乃淺狹如此乎取大 在子口義

子無乃稱 年矣而未當知吾兀者也今子與我遊於形骸之內而 廢然而反不知先生之洗我以善邪吾與夫子遊十九 每分四屋 有量 子索我於形骸之外不亦過乎子産蹵然改容更貌曰 足笑吾不全足者衆矣我怫然而怒而適先生之所則 狀述也聲述其過以為足不當亡者聚人皆然不言 豈人之所能奈何哉此三句是三等人若命順命也 其過以為不當存者已鮮矣唯有徳者知事事有命

欽定四庫全書 者命也廢然乃自失之意言其怒至此盡失去之反 言以善道告我如洗滌我而不自知也形骸内外 歸也言一見先生而歸皆失其所以怒矣洗字甚佳 世之危如此況在戰國之時此語尤切心幸而不中 端所直之地也善射莫如异彀中乃其必中之地喻 巴為奇矣而莊子曰羿之彀中彀中者張弓而射箭 有大患為吾有身人之生世動是危機易以虎尾喻 遊穀中數語極奇絕此易所謂履虎尾也老子曰吾 莊子口義

全之也夫天無不覆地無不載吾以夫子為天地安知 吾身吾是以亡足今吾來也猶有尊足者存吾是以務 患若是矣雖今來何及矣無趾曰吾惟不知務而輕 魯有兀者叔山無趾踵見仲尼仲尼曰子不謹前既犯 夫子之猶若是也孔子曰丘則陋矣夫子胡不入乎請 傳所謂魯人以為敏 句最好此皆前書所未有者稱者謂其能言也如左 以所聞無趾出孔子曰弟子勉之夫無趾兀者也 用

致定四軍全書 · 解其桎梏其可乎無趾曰天刑之安可解 耼 務學以復補前行之惡而況全德之人乎無趾語老冊 曰孔丘之於至人其未邪彼何賓賓以學子為彼且嶄 敏能幻怪之名聞不知至人之以是為已枉 栉形老 馬云恭貌是也誠詭幻怪只言好名而已已桎梏者 踵見繼見也不知務猶言不曉事也尊足者性也尊 曰胡不直使彼以死生為一 足二字下得奇所可贵者不在形骸之外也賓賓司 莊子口義 一條以可不可為一 一貫者

處者思而不能去也婦人見之請於父母曰與為人妻 魯哀公問於仲尼曰衛有惡人焉曰哀點他丈夫與之 寧為夫子妾者十數而未止也未嘗有聞其唱者也常 莊子借孔子以為言或抑或揚皆寓言也但如此段 言名為已之累也天刑之猶天罰之不與之以道也 之人乎此語亦有益於世教死生為一條可不可為 曰無趾兀者也猶務學以復補前行之惡而況全德 貫即齊物篇可乎可不可乎不可之意

駭天下與寡人處不至以月數而寡人有意乎其為人 雄合乎前是必有異乎人者也寡人名而觀之果以惡 和而已矣無君人之位以濟乎人之死無聚禄以望 てこうえ 之腹又以惡駭天下和而不唱知不出乎四域且而雌 也不至乎期年而寡人信之國無宰寡人傳國焉悶然 而後應汜而若辭寡人醜乎卒授之國無幾何也去寡 而行寡人邱焉若有亡也若無與樂是國也是何 1111 柱子口義 五十四

| 對定四庫全書 答之意記者無繫著之意寡人醜乎醜者愧也授之 惡人者形醜者也不倡常和言其無所作為也無君 國者授以國政也邱焉若有亡即漢王如失左右手 之意 也望滿也月盈曰堅看此等下字莊子之筆端豈可 合其前與物狎也此即鷗鳥不驚之意悶然無意而 及哉知不出乎四域言其所知非出於世外也雌雄 人之位者言其無貴權也聚禄富也望人之腹者飽

焉眴若皆棄之而走不見已焉爾不得類焉爾所愛其 猶足以為爾而況全徳之人乎今哀駘它未言而信無 也不以翣資別者之屢無為愛之皆無其本矣為天子 母者非爱其形也爱使其形者也戰而死者其人之 形者也 とこりを こう 功而親使人授已國惟恐其不受也是必才全而德不 一諸御不介翦不穿耳取妻者止於外不得復使形全 莊子口義 五

仲尼曰丘也嘗使於楚矣適見豚子食於其死母者少

霎非行禮之喪也資用也則者於屢而無所愛外飾 當處不可以此律之亦不可不知其非也戰死不用 死如事生不忍死其親之意此皆其形容之文有過 形之説若以名教律之此語大有罪豈古人所謂事 驚貌不得類者不似始者也已身也言不見其身得 豚子之喻謂人之愛惡不在於形骸之美惡也眴若 無所施也此亦形容有徳在内不在外之意天子之 似始者故如此分下兩句此皆莊子弄筆處愛使其

|鈖定匹庫全書

钦定四軍全書 是接而生時於心者也是之謂才全 肖毀譽饑渴寒暑是事之變命之行也日夜相代乎前 哀公曰何謂才全仲尼曰死生存亡窮達貧富賢與不 府使之和豫通而不失於兑使日夜無卻而與物為春 而 役禮記有之不得復使言官中不得役之也此借全 御不爪翦不穿耳不脩飾而全其形之意新娶者免 知不能規乎其始者也故不足以滑和不可入於靈 形以形容全徳之義 莊子口義 五六

通也心既不動則使之自然和順豫悦流通而不失 靈府者不動其心也和豫通三字一意豫悦也通流 能求其始不過曰自然而然爾不足以滑和者言不 能滑亂智中之和也只是不得與之變一句不入於 寒暑等總言之此是紬繹發越處規者求也此等事 之變天命之行日夜相更迭於目前雖有知者亦不 得與之變於此又以死生存亡窮達貧富毀譽機渴 此段歸結在才全德不形一句前言死生亦大而不 欽定四庫全書 何謂徳不形曰平者水停之盛也其可以為法也内保 孟子曰天之降才也才全猶言全其質性也 住而生其心也接猶感也時猶時中之時也隨事之 春字與兒字同接而生時於心者即佛經所謂無所 其兑兑亦悦也此一句便是莊子之文和豫通猶曰 所感而應之不偏不滯故曰生時於心才者質也如 止也與物為春者隨所寓而皆為樂也物事物也此 周徧咸也見後篇日夜無卻者言日新而不已也卻 莊子口義 五十七

恐吾無其實輕用吾身而亡吾國吾與孔丘非君臣也 民之紀而憂其死吾自以為至通矣今吾聞至人之言 徳友而巳矣 之而外不荡也徳者成和之脩也徳不形者物不能離 也哀公異日以告閔子曰殆也吾以南面而君天下執 徳不形者言其徳無所可見也水停則平平則可以 於止水者又如此變下其文和者中和之和也成者 為法法準則也内保停也外不荡止也即前所謂鑒

肩甕卷大瘿説齊桓公桓公悦之而視全人其脰肩肩 闉跂支離無脹説衛靈公靈公悦之而視全人其短肩 ていしい こここ 與孟子友之云乎意同皆是寓言不可以實求之 皆莊子下筆過當不照管處非君臣也德友而已矣 憂其死者言能愛民也良公安得南面而君天下此 而見言其無所往而非德非一端所可名故曰德不 形者物不能離也執民之紀四字佳即是執國之柄 全也全此性中之和是其徳之脩也徳不形隨事物 在子口民

|銀埞匹庫全書 忘此謂誠忘 故德有所長而形有所忘人不忘其所忘而忘其所不 忘言愛其德而忘其形人不忘其忘而忘其所不忘 得意於君視全人反不如之故曰德有所長形有所 醜之甚也肩肩者細長之貌也甕麥大瘿項瘤者也 **闉跂曲背也支離傴之貌也無脹無脣也傴曲缺脣** 两句極佳即孟子 兩句皆喻人之好惡不在於形骸之外個瘤之人 指不若人之喻所可忘者形

者天衛也天衛也者天食也既受食於天又惡用人 故聖人有所遊而知為孽約為膠德為接工為商聖人 不謀惡用知不斷惡用膠無喪惡用德不貨惡用商四 聖人有所遊遊者即所謂心有天遊是也知去聲以 也固也接接於外而忘其內也商賈也如所謂買名 智處事也約以禮自檢東工藝能也孽甾孽也膠泥 有徳者真忘也 也所不可忘者德也誠忘者真忘也知有形而不知 住子口魔 巨され

欽定四庫全書 於天下也心有天遊則知此四者皆吾之累矣聖人 求售也則不用藝能矣四者不謀不斷無喪不貨也 前言之三字皆是好字到此段接德智又成不好字 天鬻天食天禄也猶言天爵也既受食於天又惡用 用約矣守其内而無事乎外則不用徳矣不貨者不 無所謀於世則不用智矣不斷削而自合於理則不 以接而生時乎其心才全而徳不形一智之所知由 猶言有天爵而不求人爵也

身常因自然而不益生也惠子曰不益生何以有其身 吾所謂情也吾所謂無情者言人之不以好惡內傷其 得不謂之人惠子曰既謂之人惡得無情莊子曰是非 成其天惠子謂莊子曰人故無情乎莊子曰然惠子曰 是非不得於身即乎小哉所以屬於人也警乎大哉獨 人而無情何以謂之人莊子曰道與之貌天與之形惡 有人之形無人之情有人之形故羣於人無人之情故 此鼓舞其筆不照前後所以為異端之書 住子口良 +

莊子曰道與之貌天與之形無以好惡內傷其身今子 **多定匹庫全書** 子之形子以堅白鳴 外乎子之神勞乎子之精倚樹而吟據槁梧而瞑天選 是非之外獨成其天與天為徒也言人能外於是非 同類也是非不得於身者言無入而不自得超出於 子尋常有此語惠子因而問之也羣於人者言與人 此段乃莊子與惠子問辨之言有人之形以下乃莊 無入不自得則與天為徒而所造者大矣天與之形

學而好辨故莊子以外神勞精識之外神者神用於 者有物也道與之貌者物必有則也吾所謂無情言 損益矣惠子曰不益生何以有其身是以益生為資 生非莊子之意也莊子與惠子為至密之友惠子博 生者有餘之病也好惡出於自然而無所著則無所 自然則無所益亦無所損矣言有餘不足皆為病益 人不以好惡之情而内傷其身者有益則有損常因 外也猶言神不守舍是也槁梧枯木以為几也賅倦 生子コ島

一致定四庫全書 一 苦如此何也只一鳴字韓文公就此抽出成一篇序 莊子口義卷二 如許其妙莊子安得不為作者 也堅白辯之名也選授也言天授子之形而子乃自